

কৃষি গুচ্ছের ভর্তি পরীক্ষা ৩ জানুয়ারি

নিজস্ব প্রতিবেদক, পটুয়াখালী
১৬ নভেম্বর ২০২৫, ০৮:৪১ এএম



শিক্ষাবর্ষ ২০২৫-২৬ এ কৃষি গুচ্ছের আওতাভুক্ত ৯টি বিশ্ববিদ্যালয়ের স্নাতক (সম্মান) প্রথম বর্ষের ভর্তি পরীক্ষা আগামী ৩ জানুয়ারি ২০২৬ অনুষ্ঠিত হবে। এ বছরের ভর্তি পরিচালনার প্রযুক্তিগত ও প্রশাসনিক দায়িত্ব পালন করবে গাজীপুর কৃষি বিশ্ববিদ্যালয় (গাকৃবি)। গত শুক্রবার দুপুরে পটুয়াখালী বিজ্ঞান ও প্রযুক্তি বিশ্ববিদ্যালয়ের (পবিপ্রবি) উপাচার্য অধ্যাপক ড. কাজী রফিকুল ইসলাম বিষয়টি নিশ্চিত করেন। ভর্তি পরীক্ষা দুপুর ২টা থেকে ৩টা পর্যন্ত অনুষ্ঠিত হবে। আবেদন গ্রহণ শুরু হবে ২৫ নভেম্বর এবং চলবে ১৫ ডিসেম্বর পর্যন্ত। ভর্তিসংক্রান্ত সব তথ্য, নির্দেশনা, আসন বিন্যাস ও প্রবেশপত্র ডাউনলোডের সময়সূচি পর্যায়ক্রমে প্রকাশ করা হবে গুচ্ছের আনুষ্ঠানিক ওয়েবসাইটে (ধপধং.বফ.নফ)।

গুচ্ছভুক্ত ৯ বিশ্ববিদ্যালয় : বাংলাদেশ কৃষি বিশ্ববিদ্যালয়, পটুয়াখালী বিজ্ঞান ও প্রযুক্তি বিশ্ববিদ্যালয়, গাজীপুর কৃষি বিশ্ববিদ্যালয়, শেরেবাংলা কৃষি বিশ্ববিদ্যালয়, চট্টগ্রাম ভেটেরিনারি ও এনিম্যাল সাইন্সেস বিশ্ববিদ্যালয়, সিলেট কৃষি বিশ্ববিদ্যালয়, খুলনা কৃষি বিশ্ববিদ্যালয়, হবিগঞ্জ কৃষি বিশ্ববিদ্যালয় এবং কুড়িগ্রাম কৃষি বিশ্ববিদ্যালয়।

গাজীপুর কৃষি বিশ্ববিদ্যালয়ে অনুষ্ঠিত সভায় সভাপতিত্ব করেন গাকুবির উপাচার্য প্রফেসর ড. জিকেএম মোস্তাফিজুর রহমান। এতে আটটি বিশ্ববিদ্যালয়ের উপাচার্য সরাসরি উপস্থিত ছিলেন এবং খুলনা কৃষি বিশ্ববিদ্যালয়ের উপাচার্য অনলাইনে যোগ দেন। আগামী ২৫ নভেম্বর থেকে ১৫ ডিসেম্বরের মধ্যে অনলাইনে আবেদন করা যাবে। আবেদন ফি নির্ধারণ করা হয়েছে ১,২০০ টাকা। নির্ধারিত যোগ্যতা পূরণকারীরাই অনলাইন প্ল্যাটফর্মে আবেদন করতে পারবেন।

ভর্তি পরীক্ষার প্রস্তুতি, সময়সূচি ও নীতিমালা গণমাধ্যমে প্রচারের জন্য একটি উপকমিটি গঠন করা হয়েছে।